

乙溟

溟社叢刊第二輯

1956

乙溟

溟社叢刊第二輯



1956

目次

慰松齡四章	李廷輝	一	夕過近打河	吳清璠	八
檳遊曲	黃松齡	二	晨起	宗鑑	八
東風齊着力	陳曼英	三	讀相如傳	梁成昌	八
漢宮春	梁成昌	三	浪淘沙	潘其勳	九
初秋遊邦略	莫澄煊	四	浪淘沙	伍兆焯	九
堤花	李廷輝	四	墨爾本冬日登山尋雪	黃松齡	九
水龍吟	黃秋	四	偶成	黃秋	一〇
陌上花	黃秋	五	秋感	莫蔭祝	一〇
虞美人	何松葉	五	永遇樂	梁成昌	一一
浪淘沙	程萬鵬	六	紅葉	黃松齡	一一
浪淘沙	張明科	六	雨霖鈴	李廷輝	一一
荒園	莫蔭祝	七	偶成	陳卓明	一二
嫵媚	何松葉	七	幕遊	吳清璠	一二
宿海邊二首	梁成昌	七	步月	陳曼英	一二

目次

憶舊……………	劉瑞寬……………	一三
邦略之遊……………	莫澄煊……………	一三
車中偶成……………	程萬鵬……………	一三
旅懷夜起……………	何松葉……………	一三
贈黃松齡五首……………	李廷輝……………	一四
旅懷懷舊……………	莫蔭祝……………	一五
題沈雁女士畫「流水落花春 去也」……………	何松葉……………	一五
寄玉麟……………	馮雅宜……………	一五
滿庭芳……………	梁成昌……………	一六
日出……………	李廷輝……………	一六
水調歌頭……………	黃秋……………	一七
永遇樂……………	陳曼英……………	一七
嫵媚……………	梁成昌……………	一八
小樓……………	黃松齡……………	一八
滿庭芳……………	黃秋……………	一九

沁園春……………	何松葉……………	一九
歸宿……………	何松葉……………	二〇
觀劇小感……………	莫澄煊……………	二一
耐過栢……………	陳季……………	二一
遊子思親……………	馮雅宜……………	二一
無題……………	劉瑞寬……………	二二
星期日過起……………	莫蔭祝……………	二二
金縷曲……………	李廷輝……………	二二
魏武遺詔……………	黃松齡……………	二三
海濱小住……………	莫澄煊……………	二三
雨過……………	李廷輝……………	二三
相見歡……………	楊鳳珍……………	二四
相見歡……………	李秀英……………	二四
訪友……………	黃松齡……………	二四
奕棋感言……………	李廷輝……………	二五
憶江南……………	廖啓明……………	二五

故人	梁成昌	二五
遊三寶洞	何松葉	二六
浪淘沙	莫澄煊	二六
相見歡	黃秋	二六
洞仙歌	梁成昌	二七
浪淘沙	何松葉	二七
別意	張明科	二八
郊遊	莫澄煊	二八
解連環	李廷輝	二八
夢醒	梁成昌	二九
悵惘	莫澄煊	二九
荷花	宗鑑	二九
喜遷鶯	陳季	二九
野宿	黃松齡	三〇
閑居	朱昌雲	三〇
清心古寺	黃秋	三一

寄語	莫蔭祝	三一
續松齡句一首	梁成昌	三一
菩薩蠻	伍兆焯	三一
記夢	莫蔭祝	三一
宿海濱友人別業	黃秋	三三
元夕述懷	李廷輝	三三
渡江雲	梁成昌	三五
洞仙歌	莫澄煊	三五
洞仙歌	何松葉	三六
浪淘沙	程萬鵬	三六
清平樂	張明科	三六
洞仙歌	莫蔭祝	三七
解佩令	梁成昌	三七
破陣子	何松葉	三七
洞仙歌	何松葉	三八
新編「紅彩妹妹」公演後複演	黃秋	三八
一次陳先生爲拍攝彩色電影		

舊地重遊……………	何松葉……………三九	波羅門引……………	程萬鵬……………四七
雨夜有懷……………	張金花……………三九	法紡上人……………	丈室……………四八
眼兒媚……………	莫澄煊……………三九	夜懷慈航上人……………	丈室……………四八
霜葉飛……………	黃秋……………四〇	梵樓夜起……………	丈室……………四九
虞美人……………	莫善祝……………四〇	元宵……………	李廷輝……………四九
夜思……………	黃秋……………四〇	有題……………	丈室……………五〇
瑣窗寒……………	程萬鵬……………四一	鶯啼序……………	陳季……………五一
月夜……………	梁成昌……………四一	燕子……………	何松葉……………五一
所見……………	何松葉……………四二	八聲甘州……………	黃松齡……………五二
臨墳四絕……………	陳季……………四二	雜詩二首……………	劉杏顏……………五二
詩六章……………	李廷輝……………四三	謝書……………	李廷輝……………五三
風入松……………	黃秋……………四四	蜀松齡所寄畫冊……………	梁新祺……………五三
霜葉飛……………	程萬鵬……………四五	野望……………	黃松齡……………五三
滿江紅……………	黃秋……………四五	行人之歌……………	黃松齡……………五四
詩三首……………	李廷輝……………四六	訴情……………	李廷輝……………六三
揚州慢……………	梁成昌……………四六	傷逝……………	李廷輝……………六六
祝英台近……………	黃秋……………四七		

溟嚶乙稿

溟社叢刊第二輯

詩詞習作彙存乙

慰松齡四章

李廷輝

(一)

今日汝樂否。歲暮能一杯。汪洋幾萬里。待我夢時陪。

(二)

我本多情子。窮年未失真。汝亦耽風雅。何爲入俗塵。

(三)

何必定雄飛。達者甘雌伏。已飽嘗辛酸。明珠混魚目。

(四)

蕭索江湖景。往歲曾登臨。芳馨那得折。落日浮雲深。

檳遊曲

黃松齡

碧水隋隄繞，鳳城金轡車。蘭舟南浦晚，佛塔紫煙斜。竹西多佳譽，結伴逐風華。遙求山水韻，摒離市井嘩。濯足到滄浪，寒泉浮甘瓜。琅玕疊青影，野猿鳴啞啞。淙淙縈心神，幽萍半綠瀟。曲肱待盟鷗，浮生暇日餘。登高雨霏微，玄雲走龍蛇。飛閣據蒼崖，峯巒羃銀紗。時竟天地澄，苔徑耀丹葩。踏青環佩路，指顧萬人家。精藍倚名山，鬪簷不厭奢。嵯峨仰佛相，浮俗鄙袈裟。人間慕鷗閒，弄潮狎浪沙。風囊空渺渺，天末抹流霞。歸櫓滿煙月，還簪兩鬢花。中流發浩歎，雲影闔闔遐。姑蘇夜半鐘，潯江舊琵琶。綺事

雖一瞬，聚散足咨嗟。收拾馳驚心，澄靜向無涯。

東風齊着力

（中秋感賦）

陳曼英

秋扇未捐，單衣還暖，催買芋菱。千門燭火，碧海掛清澄。時看鄰家兒女，相呼喚，喜氣盈盈。屐聲細，迴廊響屐，一簇紅燈。良夜聽簫笙。知幾處綵衣翻舞中庭。虹橋何在，幽思玉壺冰。冉冉年光不住，空惆悵，素願難成。教說與，才華縱有，總被愁凝。

漢宮春

（舊灣仔角）

梁成昌

今水舊灣，向斜陽一角，莫是鄉關。京華誰識倦客，鬢綠醪醇。人生行樂，嘯長天，富貴浮雲。且看我，傾囊買酒，花前化作吟魂。遐想淵明詩就，正田園可愛，遙見南山。移文日讀，無奈

斗米長貧。江湖十載，待從頭檢點勞塵。君不見繁華逐水，青春一去無痕。

初秋遊邦略

莫澄煊

涼風飄忽至。細雨轉蒙茸。碧樹連蒼海。斜陽映赤烽。依稀漁火遠。起落晚濤慵。逸興歸何處。前村古廟鐘。

堤花

李廷輝

閒雲千里靜。日日傍山來。醉後堤花晚。宮黃半未開。

水龍吟

黃秋

（太平湖歸來，復值友人相邀，翌日轉紅土坎海濱，景物風光，俱入詩畫，惟離思依依，心緒恍若，更驟患感冒，歡意頓減，促成兩闕。）

征衫未卸芳塵，匆匆重擬桃源去。燈前再囑，蛟龍浪濶，尋幽

自許。燕草留春，疏枝綴葉，吟魂深聚。料分飛鳥恨，別離人苦，因小隔，翻成趣。

極目海濤鷗鷺。望行舟，應知驛路。孤村傍水，撐空漁網，等閒日暮。謾謾天風，有無山色，結樓雲素。漸一鉤新月，夜寒疊鼓，苦縈愁緒。

陌上花

黃秋

水天極目，海山橫翠，遠帆飄渺。韻事清幽，還算野村荒廟。煙波一棹頻拋網，萬頃自由誰曉。看浮光漁火，浪淘沙岸，吟箋魂繞。

漸彤雲黯黯，依稀別夢，歡意閒情多少。整是無聊，悶倚斷霞凝眺。莫嗤庾信吟愁賦，幾與江淹同調。怕繁星耿耿，病懷歸思，落花啼鳥。

虞美人

何松葉

菜花開遍殘陽下，暮靄籠莊稼。清池素影意悠悠。閒看錦鱗來去紫雲流。浮塵富貴非胸臆。但願兵戎息。家園無恙話桑麻。好趁月明棚下數青瓜。

浪淘沙

程萬鵬

興替話前朝。數見榮凋。斜陽芳草意蕭條。剩只柳條長拂水，欸擺纖腰。關塞恨迢迢，魂夢難招。騰蛟翻浪待來潮。海外風流誰俊秀，還待天驕。

浪淘沙

張明科

落日影林梢。衰草蕭條。舊愁新恨幾時消。薄暮明霞村舍靜，悵望青霄。皓月上東橋。幾度魂銷。湘簾乍捲碧山遙。籬落沉花弄影，獨自無聊。

荒園

莫蔭祝

小徑荆叢合，庭園改舊容。蔭疏蒙墜露，穠盡憶遊蜂。形役羈塵網，心勞逐世庸。何如歸本璞，守拙傍田農。

嫵媚

何松葉

傍小橋流水，森壁青山，蓬戶自容與。破曉聞雞起，晨風緊，當風披衿愉豫。燕鶯初語。在花叢，朝刷新羽。玫瑰麗，難約春心，託輕颺，淺香度。月上柳梢隱約，正桂華光爛，普照瓊宇。縹草盈平野，長空靜，素娥遍垂清露。流連夜午，探舊懷，惹人幽緒。憶戰亂經年，金谷俊遊回溯。

宿海邊二首

梁成昌

舞榭歌台映晚潮，觚觥燈火拂高霄。水樓我自翻書畫，何處幽

人弄玉簫。

(二)

碧海飛雲逐月行，美人秋水大河橫。沉沉素影瀟湘落，廿四橋邊記宿盟。

夕過近打河

吳清璠

斜暉半落西山後，溪澗無緣見畫樓。孤燕輕盈削風去，層雲重疊繞峯愁。若驚翠竹何陰鬱，俯瞰鱗波自緩流。佇影徘徊叢草外，更留爪跡上沙洲。

晨起

宗鑑

春日遲遲起，庭前雀鳥喧。推窗開卷讀，遙望隔雲村。

讀相如傳

梁成昌

輕抹琴心引鳳凰，臨邛酒舍尙餘香。千金縱贖長門恨，難解茂陵消渴狂。

浪淘沙

潘其勳

勞燕各西東，舊夢難通，無言相對月台中。惜別情深忘不了，相聚何從。人去嘆樓空，秋菊春松。何當剪燭夜窗同，萬事都如雲散盡，獨聽孤鴻。

浪淘沙

伍兆焯

寂夜陡生哀，觸景傷懷。涼風迎面乍吹來，往事沉吟愁更亂，眉鎖難開。希望化輕埃，功業沉埋，月明如水上樓臺。耿憶當年悲憤事，熱淚盈腮。

墨爾本冬日登山尋雪

黃松齡

曾讀君家白雪詩，紅妝素裹苦相思，如今絕域憑高處，想像河山遍綉旗。

偶成

黃秋

倦飛鳥還急，安步我歸遲。雨灑芭蕉院，風回菡萏池。檠燈寒照影。砌蟀助吟詩。但愧無長策。一書空自知。

秋感

（幼失慈帷，風木興悲，而高堂老父，以余倖薄，不勝俯密，操作如常。爲人子處

莫陰祝

境若此，寧不自愧。秋夜靜讀，感而賦此。）

落葉愁飄夜雨侵，憑窗自寫哺烏吟。流螢點點殘宵味，冷月淒淒曉鏡沉。不待皋魚風木痛，時懷萊老綵衣心。幾回未竟蒿莪句，已覺辛酸淚滿襟。

永遇樂

梁成昌

潮擁水城，雲生天岫，煙樹迷浦。曾記來時，鴛鴦雙槳，笑指橫塘路。蓬萊差近，年光易得，莫把金樽輕負。向斜陽，一杯遠眺，河山佳麗如許。
揚州千古。空留明月，贏得青樓自苦。一代英雄，賸香餘粉，總付長江去。船分波影，羈情雲縹，堪嘆壯懷一縷。憑誰問，故人萬里，加餐飯否。

紅葉

（十六日晨大霧趕路作）

黃松齡

才見青楓轉絳痕，一朝霜冷苦郊村。行人裙鬢俱霧裏。寒樹悽煙總斷魂。

雨霖鈴

（初授馬大冬暇歸途）

李廷輝

涼雲凍雨，綠波深淺，風剪荷碎。層陰十里芳草，飛蒲墜粉。

天涯歸路。怎記淒涼，一點都隨夢飛去。歎移柳，摧折無端。碧夜
溟濛舞金縷。青春已被功名誤。爲生涯，更攢眉千度。低徊幾
許斜陽，曾誰見此時甘苦。家國煙雲，年去年來，舊願輕負，又鬢
影，一寸相思，寂寂花深處。

偶成

陳卓明

雨灑枝頭動，尋蹊踏野蒿。流雲花弄影，倏忽月輪高。

暮遊

吳清璠

南國新秋晚，重山靜夕暉。江河千里去，孤燕伴來歸。

步月

陳曼英

夜涼庭院悄無聲，碧海青天夢不成。莫管銀河水深淺，素心常
與月俱明。

憶舊

劉瑞寬

屈指春韶同讀日，切磋於此幾多年。初聞遠志鵬將徙，相對無聲心欲煎。今日關山遠倩影，何時湖畔共嬋娟。幽情萬縷憑書紙。北望中原別意牽。

邦略之遊

莫澄煊

岸草隨風動，波濤拌石磯。欸乃音節緩，泛舟碧琉璃。漁隊臨江晚。落日明屋簷。高歌情意重，歡樂尙可期。

車中偶成

程萬鵬

夾道濃陰樹幾排，勢如奔馬去還來。羣山疊岫迷寒霧，一霎初陽撥盡開。

旅檳夜起

何松葉

夜半濤聲驚夢覺，霏霏寒雨轉悲涼，他鄉易惹繁思集，遊子難堪獨影傷。本爲消愁尋勝境，轉因填恨鬱心房。待將曙色迎朝幌，漫步平沙踐早霜。

贈黃松齡五首

李廷輝

花紅開滿眼，三月氣清新。相見復離別，雨多憶故人。

二

千燈照海水，半月瀉清銀。彼夕聆君話，天涯又幾春。

三

沙岡觀落日，樹末暮雲閒。何日重來此，一登武威山。

四

昔君頗寥寂，佳麗得仙姝。相好同膠漆，從今願作奴。

五

荀卿遊稷下，我乃出西洋。重會傷三十，青絲應有霜。

旅櫝懷舊

莫蔭祝

激灩蒼茫水接天，幾家漁火映炊煙。舊時月色今仍照，剪燭伊人已杳然。

題沈雁女士畫「流水落花春去也」

何松葉

澎湃灘頭水，奔流無盡窮。落花衝碎浪，飛沫激殘紅。幾許青春意，平生悵鬱衷。祇今春盡也，悲歎恨長風。

寄玉麟

馮雅宜

耿記同窗兩載時，辯難攷異騁覃思。今朝萬里汪洋隔，遠雁時飛竟莫辭。

滿庭芳

梁成昌

齒屐尋春，賣花聲裏，幾處客舍人家。差池飛燕，高樹柳條斜。
。自是人間佳麗。更相映，碧草紅葩。憑記取，淩波縹渺，光影艷
春霞。
當爐飄翠袖，逢春不醉，過後應嗟。嘆百年身世，無限
天涯。笑煞山公如我，未輕負，雲月才華。但縱有，春風詞筆，潘
鬢見頻加。

日出

李廷輝

日出聞大道，日入死可矣。合縱連衡勢，新世演舊史。虎豹披
羊皮，民主委敝屣。螻蛄百萬師，夕求一廢紙。仇讎作恩人，赤血
隨流水。我適生亂世，信當學譎詭。揭冠障塵眼，擁書煥冷髓。睥
睨入高門，低頭經鬧市。僉夫兼獄卒，皆能倡至理。變相工臉譜，

赴勢其主旨。是非所不論，富貴豈用彼。大道難爲言，芻狗羣生視。正名辯證法，刻剝商韓技。無產頌土改，有產力詆譏。子控父攘羊，整風重修己。僧娶尼姑嫁，兩皆大歡喜。皇皇國聯旗，世局本如此。

水調歌頭

(重遊太平湖)

黃秋

亂雨叩湖面，叢竹惹浮煙，追尋潒畔花影，昔日共留連，水調餘音嫋嫋，一樣幽懷舊韻，芳草暗黏天。春好奈難道，流水自涓涓。幾番軟霧，輕把裙屐又重穿。未飲風前欲醉，滿地春光宛轉，誰個賦丁年。會趁晴雲暖，粉蝶舞蹁躚。

永遇樂

(松齡自澳「Residence」所寄假期書冊同詠)

陳曼英

一霎涼颼，隨簾飄入，綠綺門戶，問是誰家，呢喃燕子，似約

春來住。殘紅一束，元宵過了，前後乍晴還雨。記當年繁華應說，

前朝彩熬燈樹。

流光如水，春去春來，贏得侵時序，病後填詞

，未成殘闕，方嘆無情緒。天涯羈客，詩懷未減，吟遍曉風夜渚。
渺雲雁，畫圖頻寄，信音無阻。

嫵媚

梁成昌

正風燈零亂，曠野蕭條，客裏吟愁賦。回首碧雲盡，關山遠，
春歸未識何處。歲華偷渡，意別魂飛夢南浦。恨如許，商女猶歌，
餘響飄颻長暮。孤館又吹寒雨，更青樓彷彿，淚墨塵土。漸寫

來幽恨，紅箋暗，殷勤倩誰寄與。舊時鸚鵡，趁月光，教說蠻語。
只病困如今，應未見，怨人苦。

小樓

黃松齡

樓寂含春意，天寒燕子斜。人歸詩裏畫，月滿夢中花。

滿庭芳

（安順旅懷）

黃秋

客舍愁新，一簾暗雨，何堪盡日濛濛。敢勞飛燕，傳語報郵程。
人倦夜長難度，遶草砌，歷亂蟲聲。憑欄久，別離氣味，寥落滿
空庭。
漏遲思迤，蕭騷旅枕，歸夢難成。念客行云樂，爭奈愁
凝，枝上幾聲啼鳥，紗窗曉，花好風清。煙蘿掛，含滋浦盞，兀自
弄柔情。

沁園春

何松葉

幾度盈虧，風雨晦明，前事沉埋。算兩年離別，書傳塞雁，殷
勤寫就，申咏徘徊，無盡關山，幾多遙思，哀樂心絃共奏哉。淒迷
夜，覺歡情展轉，尺素難裁。
玉臺何必興哀，盼紅葉西風再度

來。便完成素願，功圓事竟，長春南國，永寄高懷。富貴虛榮，原非君意，堪付平生育衆才。凝望處，正長空鐵羽，遠影徐開。

歸宿

何松葉

昔我年少時，家住西山麓。左右三兩家，茅廬繞修竹。遠離市井囂，生活歸古樸。晨昏炊烟起，兒輩共追逐。中有一麗兒，皎皎不落俗。明眸蓄靈秀，皓質自特獨。原是商家女，避難到此谷。與我同遊戲，放懷少拘束。一旦賦離別，怏怏復塵濁。年去復年來，歲月逝何速。浮生夢驚醒，名花已歸宿。相逢花徑裏，憔悴蛾眉蹙。自言身世苦，父母頻催促。嫁爲蕩子婦，更受姑家毒。深似仲卿妻，常遭咒詛辱。夫婿無慰言，幽怨心難服。回首青春事，驚心後世篤。溪碧空悠悠，長恨難時翫。悲聞傷心遇，惟歎造化酷。黯然

又賦別，雙淚連珠續。

觀劇小感

莫澄煊

發災迫折苦。貧病倍思狂。雖拓寒棲月。相濡以沫長。斷鴻希可讀。舊愛怨遺忘。爰兆原非吉。摧傷淚兩行。

尉遲格

旅鄂渚夜宿黃塘湖舟中萬感交集

陳季

明湖路，誤驛堠，十里川途滯。惺惺綠暝遙隄，離思亂雲俱起。餘情渺渺，尙耿憶，朱闌剝新荔。傍黃昏，柳密藏樓，吹簫人，在波底。應知此去天濶，飄流夜，縱然有夢難寄。淡月荒村朦朧處，依約是倩嬾珠履。漁燈暗，星沉漢轉，但遙隔關河各自睡。念柔條日日搖簾，楊花今遠江水。

遊子思親

馮雅宜

翳景西斜鳥返廊，不知何日我歸鄉，十年故跡留他國，萬里思親九轉腸。

無題

劉瑞寬

今年中秋月，曾照舊時幃。人事有今昔，月圓人已非。

星期日遲起

莫蔭祝

又遇週期謝客天，花香鳥語樂高眠。三竿日上遲遲起，半爲偷閒半避塵。

金縷曲

李廷輝

滿目青山媚，惹平生，悲歡無限，將春天氣。試入輕寒隨夢去，冉冉閒花滿地。趁啼鳥疏星漸墜。萬里流雲輕抹月，念鄉關根觸興亡淚。長夜怨，人生意。

無端寂寞須拋棄，且由他天南地北，花飛風起。舊日襟懷今日事，此恨此情無既。應翻悔任他沉醉，自古青絲渾易老，早安排，共刳羣魔計。青鋒刃，今當試。

魏武遺詔

黃松齡

文章霸業兼權術，冷眼中原許一人。江火壯圖秦帝夢，鼎龍老去女兒魂。寧知銅雀歸狐兔，忍教紅妝重組緡。賸有殘香遺諸妾，西陵秋雨哭荒墳。

海濱小住

莫澄煊

寢息迴欄下，風濤隱約聲。醒來憐蝶夢，搔首望天星。

雨過

李廷輝

雨過泉皎潔，幽枝散清香，層山積潭月，古廟闕瑤光。坐久思

欲絕，起立自徬徨。舉日向天涯，所親在家鄉。撫形覺慚忤，日月逝何方。良朋去復遠，今若參與商。高雲奮威鳳，下視無修篁。今古同此心，何必自悲傷。仁人安天命，逐物兩相忘。

相見歡

楊鳳珍

高潮湧入低樓，逐沙鷗。隔岸飄搖，掩映見孤舟。東風惡，人情薄，動離憂。萬里飄零，病體寄他州。

相見歡

李秀英

月兒高掛天空，蕩微風，蕙轉光搖，隔院送香通。故園戀，關山遠，恨填胸，試問何年何日再相逢。

訪友

黃松齡

惺惺飛雲路，迢迢呂子轅。濤聲浪影裏，握手各忘言。

奕棋感言

李廷輝

夜深不能寐，起坐敲盤棋。寒風襲薄袖，流霜侵檻帷。控縱知誰勝，飛馬難解圍。烏江凝碧血，吳戈奪戰輝。君言不得意，南北常苦棲。念彼零雨濛，掩涕何苦悲。四字豺虎號，龍蛇當路廝。背水雖云勇，捨我胸中奇。慷慨英雄氣，旗旄今古揮。留此一寸心，願報三春暉。君誠懷壯志，高節自矜持。慎毋傷膚體，且卸腐儒衣。白日鵬鴞盡，際會風雲知。

憶江南

廖啓明

遊興起，周覽汎蘭舟。往事無情嗟逝水，乾坤萬里意悠悠，俯仰儘忘憂。

故人

梁成昌

故人久濶別，依舊風流絕。負笈西復東，尋香儘南北。新詩革舊韻，提筆胸古傑，會飲三百杯，江湖同魏闕。

遊三寶洞

何松葉

神工鬼斧開靈境，樓閣玲瓏苑圃成。削壁旬崩驚意志，藤蘿牽曳動幽情。平明鐘鼓聲聲起，薄暮蘭燈盞盞明。得此塵心應盡棄，空嗟僧道恣經營。

浪淘沙

莫澄煊

良夜月淒清，耿憶前情，南風和暢拂行旌。幾度憑欄眉不展，莫解愁醒。日夕淚盈盈，詞韻歌聲，情深一例嘆飄零。燕子來時，春社近，花落清明。

相見歡

黃 秋

青山綠水重遊，又初秋。湖影花光，好鳥語枝頭。琴韻寂，游鱗覓，興悠悠。可奈日絲繁散賦歸休。

洞仙歌

（擬江湖載酒）

梁成昌

心期三五，黯樓頭無語。絕代風華小姑住。盼劉郎重到，素手香肩，情默默，便是神仙儔侶。文章憎命達，自古皆然，借取胭脂入詞句。紅粉唱新詞，底事誰知，明月下淩波舒步，延佇久，淒淒夜如何，但密約來宵，低帷記取。

浪淘沙

何松葉

夢醒月將殘，曙色猶慳，晨風乍起翠簾翻。透被始知寒氣重，睡意闌珊。池面葉田田，青蓋翩跹，遠山浮影水雲間。曾是蓬萊仙島地，惜未尋源。

別意

張明科

更深涼月空庭滿，久客他鄉闕玉音。曾記凝眸長佇立，紅樓珠閣夢難尋。

郊遊

莫澄煊

遠越疏林草氣薰，郊西擁起萬堆雲。此時結隊尋春去，顧盼狂懷銷俗氛。

解連環

（答黃松齡）

李廷輝

月明如故，復陶然三五，幾番風雨。正歲暮霞管吹寒，對媚水嬌山，半添愁苦。夢遠神勞，素霞便教人棲處。想流鶯啼遍，暮暮多怨，尋思無語。娥眉堪嗟久去。問人間何世，暫留君住。謾說與飛雁游魚，待他日相期，寸心重吐。玉露鄉情，怕萬里相思無

據。願今宵，桂華如水，照人歸路。

夢醒

梁成昌

迴潮驚破夢難尋，啼鴂聲聲碎客心。最是重簾飛白露，淒風愁思織寒衾。

根觸

莫澄煊

野草疏林下，炊煙伴鳥飛，舊遊佳麗地，凝想獨增悲。

荷花

宗鑑

晨光橫伴影疏移。陣陣浮香見靜姿。憑檻相忘心曠逸。歸來獨自賦新詩。

喜遷鶯

黃秋赴安順，參加學校集體舞會歸來，爲述所寓樓，則余舊曾棲息者。秋有詞，余故賦此闕付之。

陳季

綠波南浦，是往日風懷，閑情應了。小隔週期，折柳無須，臨去相看一笑。此夜將眠何處，明日憑教新調。溯洞夢，逐落月青林，隨風飛繞。
緣巧鉤車駐，舊客天台，記劉郎曾到。候館燈寒，棋枰局冷，離意只今初曉。多會時形平淡，小別才知聚好。心如箭，似近鄉情切，久違丰貌。

野宿

黃松齡

野店荒村夜，潮來拍岸寒。書生悲白眼，狂士悅青囊。碧落橫星斗，驚濤震遠灘。鼯聲人語寂，眉月擁氈看。

閑居

朱昌雲

杜門謝客讀詩書，淺斟低唱萬緣舒。雙雙乳燕穿簾影，臥視紗櫺薄欲無。

清心古寺

黃秋

相攜尋曲徑。古寺道心幽。地僻來人少。天高去棹悠。石階清影碎。沙岸綠波油。坐愛鳴春鳥。琴書暫可留。

寄語

莫蔭祝

劇憐嬌弱女，嫁入黔婁家。少小若掌珠，何堪貧苦加。黎明忽遽起，忙備湯與茶。晨昏執炊爨，未敢稍遲差。爲顧阮家囊，鍼黹寧矜誇。新衣鮮加身，遑復事鉛華。三秋逝何卒，咿啞雙纏膝。兒飢常號咷，連夜睡眠失。手胼足已胝，兒女更多疾。爲理幼弱支，妝奩典當畢。行見形消減，無復素容質。捫心有餘愧，時乖乏仙術。寄語莫辛酸，牛衣暫可安。若比無家輩，穹廬容膝寬。若比簞無食，淡素可充餐。若比寒無衣，布裙勝綺紈。孩提多跋躐，翁姑亦

疲殫。任大體應勞，天意長爲難。樂天者知命，居貧足自歡。

松齡正旅學墨大，埋首書堆，寫洋八股文，
嘗云：『慣遲作答愛書來。』戲爲續成一絕。 梁成昌

慣遲作答愛書來，更爲梅花破臘開。喚起玉人吹玉笛，他年此
路入瑤臺。

菩薩蠻

伍兆焯

千山萬壑天邊接，窮林霧色人踪絕。月夜渡河時，沉吟離別
詩。年光最易得，世路多崎仄。把酒解心愁，功名豈我求。

記夢

莫蔭祝

窮林髣髴桃源地，絕境奇踪登玉臺。乍醒復牽塵世事，人間無
處不堪哀。

宿海濱友人別業

黃秋

日暮海浮金，閒愁共汐侵。村烟生隔岸，漁火隱長林。欵步排離緒，登樓動客吟。柳風吹散髮，水月照彈琴。

元夕述懷

（元夕晚寫了幾首七絕，今天給松齡看，他不大喜歡） 李廷輝

（一）

憤懣堆來便作詩，尙因舊事每傷悲。玉簫雖去曾留約，何以如今雁羽遲。

（二）

濤聲拍岸心悽惻，月滿長灘憶別離。元夕花時初見面，豆紅南國最相思。

（三）

多情原是讀書郎，晝暖花香記小堂。難得沛然天作雨，夜深不去滯紅妝。

(四)

身世應將說與聽，小時曾記住金陵。只因寇亂來南海，失弟每言猶恨兵。

(五)

琴聲夜暗最鏗鏘，欲續停彈語更長。去歲書來相約定，將詩譜樂兩商量。

(六)

萬事如今化作烟，小詩舊信記纏綿。網緣不就由天妒，恨海情深未易填。

渡江雲

梁成昌

秋繩橫玉宇，光回萬里，半影落西樓。一簾香未絕，最是消魂，離會兩無由。多情笑我，對清影，欲舞夷猶。思往事，嫦娥應悔，高處鑱瓊樓。

休休，吹簫吳市，擊筑燕庭，更英風何有。都已矣，風流頓減，寂寞南洲。歸來渺渺桃源約，賸隔年，遺視睎眸。書長恨，蓬山此去悠悠。

洞仙歌

（中秋悼卓明、啓明。兩君皆遇難於月圓之節）莫澄煊

天高氣爽，記團圓時節。悵飲離杯怨歌歇。夢閑覃花落，蔓草縈迴，傷覆醢，長夜悽聞啼鵲。

相違經兩度，對影愴茫，桂魄依然永離別。莫問夜如何，鳥咳蟬哀，更無望狂歌共激。念歲華，東山再歸時，怕吊影慚魂，長傷明月。

洞仙歌

何松葉

海濱夜雨，賸迷離月影，天水茫茫淒涼景。撼疏簾風捲，絲雨
侵人，寒浸骨，擁被自尋幽境。潮聲殘夢覺，萬里奔騰，疑是
當年戰塵迸。驚起夜將闌，碧海青天，銀鈎掛，玉河冰淨。最可愛
，金波映平沙，令客子長懷，故園霜徑。

浪淘沙

程萬鵬

朝夕共歌絃，轉眼雲煙，西窗人去又經年。何日巴山重促膝，
話舊爐邊。寂寞伴燈前，無限纏綿，臨箋欲說事盈千，擬寫新詞尋
秀句，錦字難填。

清平樂

張明科

池亭容與，芳草留人住，曉月微風誰與度，舊跡欲尋無處。

荔蘿青翠雲生，幾番味且神興。最是消魂兩地，無邊烟水冥冥。

洞仙歌

莫蔭祝

更殘斗轉，膽孤燈獨對，旅枕離襟怨人淚。聽啼鵲淒絕，魂斷關山，愁莫解，借與深杯尋醉。相違經十載，故地重逢，陌上聞歌兩心碎。奈我逐風塵，竹馬青梅，因循誤，前情逝水。但寄意蟾華問殷勤，有一點靈犀，迢迢永繫。

解佩令

梁成昌

揚州夢覺，五陵年少，算幾番傍馬章臺路。煙草低迷，河漢淺，雙星斜渡。記依依臨風私語。夜寒秋冷，曲屏雲靜，透輕綃，素肌如霧。漏斷更闌，恨黃姑夜深難駐。託春心，夢隨風住。

破陣子

何松葉

惆悵同門寥落，臨流輒憶高歌。曉岸迢迢零露滑，迤邐聯行覓蛤螺。水淨鴨羣過。歎息音徽長遠，故鄉知己如何。最是淪涼花欲謝，空留枝葉付煙蘿，離夢夜來多。

洞仙歌

何松葉

霏晴日麗，愛風光蕙轉，結伴飛輪去如箭。望城郊，翡翠高壁含雲。瞻林末，溪水流紅堪戀。異鄉何處覓，幽夢芳春，故國神遊燕鶯囀。對酒說人生，且撇悲歡，來消受，景情連串。卻不料情天妒賞心，乍雷電交騰，歸程應算。

新編「紅彩妹妹」公演後，複演一次，

陳先生爲拍攝彩色電影。

黃秋

一隊胭脂兩鬢開，楚腰紅彩舞將來，柘枝創出新嬌態，自笑無

端費綺才。

舊地重遊

何松葉

十年此地一重遊，草徑雲封舊客愁，
耿記當時離寇亂，溪邊雞犬正咻咻。

雨夜有懷

張金花

夜闌蕭瑟雨絲垂，憶昔深闌共讀時，
一旦音容千里隔，愁牽萬縷斷腸詩。

眼兒媚

莫澄煊

月滿空庭曲苑深，愁聽白頭吟。
歌聲哽咽，愁絲裊縷，冷落挑琴。
不忘酒約文期會，柘館正陰岑。
來年舊約，乘風歸去，重話離襟。

霜葉飛

黃秋

幾家烟嬾，斜陽歛，秋山平野冥小。疏星靨靨玉團圓，漸別魂牽繞。更默數落花多少。流年偷換憑誰曉。念幽人未寢，但極目移時延佇，想舊時調。香徑款步歸來，溯迴天末，雁足計程應到。遼天顧影下寒塘，怕因循誤了。聞把酒何時共照，松風山月猶歌嘯。采杜若，常盈掬，臨水揚芬，流英遠眺。

虞美人

莫蔭祝

歸樵荷擔斜陽老，曲徑迷煙草。高樓冷靜遠鐘清，催出一輪山月照空庭。幾番歸雁無尋處。魂斷長亭路。燭花懶剪影搖紅。自把一腔愁緒託秋風。

夜思

黃秋

燈暈繞飛娥，繁思靜更多。病懷頻輾轉，怯問夜如何。

瑣窗寒

程萬鵬

暫卸征衫，山城倦憩，慵揩塵印。漫漫長路，斑駁屐痕堪認。最應憐童心如昨，重尋舊跡猶興奮。恨韶華易逝，差池空羨，風流詞俊。春訊，催將近。愛天際輕雲，海濱眉暈。三三五五，浪譁素波紅粉。只清暉圓缺無常，天南地北憑誰問。待新晴，風定潮迴，共賦梅花韻。

月夜

梁成昌

新月小銀鉤，雲水隔悠悠。憶昔醉時狂，慷慨輒名驕。所思音塵濶，黯然淚凝雪。俛仰魂飛揚，思君成永訣。天北天南路，長河雀橋渡。偃蹇會瑤臺，翩跹舞容與。

所見

何松葉

昨夜狂風吹驟雨，落英殘葉滿溪流，
葬花黛玉今何在，村女河邊浣滌愁。

臨墳四絕

一九五六清明節

陳季

(一)

輿輪徐動悄詩心，舊事兜人惹綺吟。
記得月明車共駕，當年軌跡意能尋。

(二)

一年一度舊檀郎，祭品名香肅自將。
體命有窮神不泯，大空無盡意同長。

(三)

供花陳果獨登瑩，土隴深埋不絕情。十載相違如昨日，涼颼輕掠似聞聲。

(四)

墳頭孤影墳中骨，生死迢遙咫尺多。折取青條代楊柳，歸來猶自費摩挲。

詩六章

懷陳卓明

李廷輝

(一)

我昔期皓首，三冬事龍蟄。念當因風舉，乃隨百草汨。

(二)

二十好年華，含章英輝發。騏驥未千里，俯首並鶩劣。

(三)

生我者父母，肝腸得無裂。年齒日衰頹，親恩從此絕。

(四)

悠悠白雲飛，三五見明月。死別終不還，明月有圓缺。

(五)

蕭瑟日將暮，流燄何飄忽。夢入墳路行，醒望疏星列。

(六)

別矣好友朋，悲慨向生筆。窮溟多介士，綠箋零碧血。

風入松

黃秋

蕭蕭落木殷輕雷，亂雨暮煙垂。繞階衰草殘紅滿，動情緒，千
纓依依。已往流光空負，而今大夢初回。

修篁新沐翠生帷，聊
共映餘輝。輕車猶記逍遙夜，一燈影，十里明窺。試問人間倦客，

百年多事何爲。

霜葉飛

程萬鵬

徘徊南浦，晴川外，斜陽一抹延佇。登臨縱目送孤帆，更幾行
迅羽。漸沒入雲波深處，天涯獨自甚情緒。正秋風起矣，恐鱸美蕘
香，羨煞蠻煙羈旅。
契闊兩地腸牽，駒光如駛，屈指三載輕負。
牢騷還怕訴高堂，料寸心茶苦。待輾轉夢魂相敘，多番總被纖聲
阻。且教把來年約，遍插茱萸，共登彼岵。

滿江紅

黃秋

遠岫含雲，天低野，村煙如織。曾到處征途換目，舊時相識。
依約眉山波不定，秋風細雨燕飛急。睽青青岸草繞修篁，籠寒碧。
臨故地，空歎息。追往事，愁堆積。漫花間重認，已成陳跡。

玉笛琴聲都寂寞，畫橋綠蔭無顏色。縱依然迤邐好風光，情非昔。

詩三首

李廷輝

碧雨春來尙黯然，青山連水水連天。偶經故道尋相識，煙市猶翻舊管絃。

(二)

今年今日幾新知，半是閒花半是詩。塵世苦勞緣一夢，黃昏爲爾尙矜持。

(三)

大好年華莫自傷，莊生齊物費文章。春風雨露花枝發，一旦扶搖脫穎囊。

揚州慢

梁成昌

萬卷詩書，青春作伴，放歌縱酒清明。望草天一碧，盡舊塚新塋。卻回首京華路遠，色空塵境，謾說深情。向樽前，無限低徊，誤卻前程。故園縹緲，鎮沈沈川樹迷冥。念烟景聯吟，芳途共踐，魂黯無聲。二十年來贏得，平生意，轉瞬堪驚。正江南春好，誰教花落飄零。

祝英台近

黃秋

曉風清，疏雨定，魂夢繞仙徑。塵滿香奩，無力懶梳整。翠眉欲展還顰，非干滯酒，卻贏得，茂陵秋病。綺窗靜，怕恹恹悵悵文期，懨懨困形影。冷落琴書，搔首綺闌凭。望天涯漸新痕，穿花縣柳，會將見，窺人端正。

波羅門引

初入邦略島，疑乍入桃源也。

程萬鵬

仙源甚處，蓬萊嵐影夢難尋。偷閑結伴初臨。萬頃烟波路闊，
廬舍一邨涵。訪奇踪海外，乍見桃林。

滄桑淺深，世事總崎嶇。我欲乘槎浮遠，隔絕鷺音。又爭奈，夙生精衛禽。依素願，銜石長吟。

法舫上人

丈室

欲說無爲自有爲，逢懷不止復何之。未棲巖穴偷僧懶，恥着袈
裟換懺資。心處七徵曾七計，因緣三請豈三辭。阿難行矣毗耶近，
大法何慚受乳糜。

夜懷慈航上人

丈室

碧雲滄海意，夜半憶招提。至性空塵慮，虔修飫藿藜。窮經星
漢轉，說法石頭低。顧此浮名客，余懷渺渺兮。

梵樓夜起

丈室

貪眠誤月色，睡起欲沉山。有影輝岩壑，無心戀闌關。輕安除妄念，空寂憶禪關。梵殿鐘聲動，方知夜已闌。

元宵

李廷輝

一溪春雨月如煙，瀟洒雲衣降玉仙。漫說天涯今日苦，清輝依舊總堪憐。

(二)

十五元宵好桂華，蕭郎新約在梅花。春愁淺睡吟魂懶，一夕東風到謝家。

(三)

相思鬢影在花陰，好摘殘英帶笑簪。冰玉尙嫌脂粉色，韋郎此

日倍情深。

(四)

年華似約欲雙成，弄玉秦簫似水聲。初見人間謫妃子，清歌化作羽衣輕。

有題

丈室

風囊歷劫幾滄桑，潘令何勞賦悼亡。學佛教除名士習，傳經不燕女兒香。落花未惹維摩榻，舊雨時飄北海觴。等澈十宗無二法，一車俱駕鹿牛羊。

鶯啼序

自題遺簪恨憶

陳季

羈旅鎮依病枕，誤飛花幾度。漏壺暗，驕夢黏雲，緒風橫剪窗雨。近寒食，誰家畫閣，流鶯喚斷遼西路。倚羅屏沉恨，搖情舞楊

千樹。

載酒江湖，玉簫舊約，繫風流小杜。十年怨，幽徑吳宮，綠章空叩元父。恁蹉跎，詞珠賦玉，擲心力，花蟲香蠹。笑鴛機，刀尺由人，總憐縑素。

調絲慳管，嚼紫吹紅，蝶魂戀蜜羽。

自別後，鳳臺無恙，月色加故。渡水穿樓，頓成淒楚。騷蘭薦水，樊櫻噴霧。婆娑殘照仙鄉遠，檢當時脂漬留金縷。河陽作客，名園彷彿前遊，往事根觸無據。

天南騁日，渺渺愁予，漫淚沾趙土。

撫物候，幽歌哀怨，瘦損東陽，骨出飛龍，裘寬貂鼠。夷猶待折，汀州芳若，文魚騰轂迷浪影。杳煙波，閒立雙鷗鷺。淒涼碧海鸞環，萬里澄暉，寸心自苦。

燕子

何松葉

寂寞斜陽晚，微霞繡遠天。曲屏堪畫處，倦羽競棲先。凝想鄉

關遠，悲傷歲月遷。呢喃共低語，山海夢纏綿。

八聲甘州 （寄友）

黃松齡

是山飄雲海浪聲狂。霞帷掩長空。喜披襟把酒，平沙攜手，呼嘯天風。千里去來菊鬢，飛轂氣如虹。遙盼鳳城水，一瓣芙蓉。
雲外青禽佳訊，正汗青待續，飲血誇功。漫乾坤如許，何事覓侯封。擲東流美人駿馬，儘相羊簫劍懷鳥篷。待歸時，西窗傾素，山水詞雄。

雜詩 （二首）

劉杏顏

故國相望處，魂消別夢依。劫灰飛盡日，期與賦來歸。

（二）

惜別恨悠悠，相違又一秋。京花重放日，能否復遨遊。

謝書

李廷輝

先生來二札，朋友一尺書。深交能盡言，知我多艱虞。行將改道路，悔遁反厥初。始志窮溟海，振翼不能舒。鬱鬱京華客，翹首望北都。遠遊雖有方，家糧無月餘。所願兄弟輩，柴扉可安居。

題松齡所寄畫冊

梁新祺

零落天涯家萬里，多情儔侶奈何春。關山南渡青林遠，落日殊鄉憶舊人。

野望

黃松齡

紫燕成羣掠馬蹄，鶯聲如水噪寒溪。徘徊荒草斜陽久，回首江山黯暮雞。

新 詩

行人之歌

黃松齡

不要世路的蛛網牽纏着我底心啊！

不要世途上的風沙埋掩了我底心啊！

我底心應是一朵純粹的火，

長久地燃着愛你的光和熱啊！

.....

不要這宇宙給我甚麼！

只求你永遠讓我愛着你！

我從來不對你講真話麼？

我底愛，縱我有詩的語言，
也是笨拙的傾吐啊！

(二)

生命像追趕着甚麼？

又像在歧路上夢想，

它是一片落葉啊！


漂浮於時間長河之上……

然而……

在金葉翻飛的秋日，

或細雨沉沉的清夜，

這夢底芬芳，夢底迷惘的時刻啊！



這夢一般深深的甜蜜啊！

沸騰在心中不能成韻律的歌，

太美麗的秋天的哀傷，

我墮入了無涯岸的幻想啊！

.....

生命的葉子在漂流，

生命的腳畔開放着小花，

我底小花，我底愛，

我要永遠留在你底旁畔啊！

.....

生命的路途多荒涼，

生命的脚畔開放着小花，

我底小花，我底愛，

你帶我偌大人間僅有的溫暖啊！

.....

吐着她底溫柔，她底芬芳，

她說出浸透我深心的話：

『逢場作戲，你知道嗎？』

啊！啊！多美麗的無情之情啊！

多哲學的生之哀曲啊？

.....

不是啊！跟你在一起，

看着你柔情的臉，
我知道「美」與「真」一定存在，
這是我底信仰。

.....

(三)

現在我才開始明白：

人的悲痛可能如此的深，如此的酷；
一顆愛着的心，如此易受損傷。

我感激人既有愛的本能，
愛就給予他忍受愛所帶給他的痛苦的力量。
看着我底愛柔髮下明亮的

閃着理智的光明，
我底愛喲！請你以這一點光明，
人生不只是一陣縹渺的風烟，
不只是水的流逝，星光的沒謝，
我要執着，我永遠要癡，
我要從「假」找到「真」
還要從「醜」尋出「美」
還要創造一支讚美人的歌。

.....

我們的老同志說過：

愛情應給予我們

生的歡欣

生的力量

照着我跑着荆棘的路，
使我擔得起這愛的重負吧！

.....

愛是如此的深，緊握着心，緊抱着靈魂，
它又是如此無情地苛刻，窄狹，

焦灼的淚只能在心上流淌，

愛而無私的初衷也就淹沒。

不要戀這迷夢中的酒杯啊！

我的愛，讓你理智的慧光

給我以光明吧！

.....

(四)

古人有一句這樣美麗的詞：

「衆裏尋他千百度

驀地回頭

那人正在

燈火闌珊處」

人海砂磧堆裏，明珠底光

掩不住它自己的素體，

我怎能不隨着時日的脚步

一步步墮進愛你的深情。

.....

然而我是沒有愛的條件的

然而你是要隨着要到來的秋天而逝去的

我能使這秋天長留在人間嗎？

我能使冬天不降臨人間嗎？

我是喜歡夢想的，然而我要求你

跟我一起夢想將來自由的飛騰

而忘卻眼前的桎梏，人的樊籠麼？

冷澀的琴絃永遠淵默着吧！

憔悴的行人不必長歌了呀！

我能以夢話挽留夢的飛逝麼！

我的夢啊！你告訴我啊！

訴情

靜寂地，

黃昏撐起半天緋麗金碧；

舊日鎖在雲底的夢，

叫我那裏尋覓？

×

×

×

溫軟的朝輝，

翻起銀鱗紫赤；

都因今日綉在心頭上的燦爛，

溟 嚶 乙 稿

李廷輝

叫我怎不歎息？

× × × ×

是否昨宵掩映於你鬢邊的繁星，
夾雜串起我心裏的波浪？
是否昨宵我失落了淚珠，
編織成你床前的幔帳？

× × × ×

我有萬般辛酸與歡笑，
可曾都印在

你那醉人的朱唇上？

我無端苦惱惶惑，

都爲你眉梢眼波底明朗。

× × ×

這古老河流迂緩，

曾帶走了多少青年人的懷想？

老懶小舟殘弱，

曾經多少風波顛盪？

× × ×

剪一束

斜輝所鑲成你頭上的金絲，

扎起一個羈旅者的惆悵；

彈一曲

誤櫻乙稿

你往昔顛沛流離的辛酸，
交織成他今日的悲愴。

傷逝

李廷輝

我來時，
正金風吹開枝頭嫩葉；
如今
是三年了，
又是泥雨時節。

× × ×

這三年

像狂瀾般疾逝，



抑或是悠長的歲月？

如今只剩了

碎裂的心，

埋葬在凋殘的花底下，

在冷清清的夜裏，

暗自淒切。

×

×

×

爲底事中夜一聲長歎？

一滴滴的淚珠，

跌落在這屈曲的溪流裏，

叫它也傷心哽咽。

溟 嚶 乙 稿

溟 嚶 乙 稿

× × ×

我來時，

正金風吹開枝頭嫩葉；

別離時，

浪花飛濺似雪。

我卻不知這分離

在今宵細雨霏霏的時候

這分離早已變成永別！

